



ԱՆՈՒՇ ԹՈՒՄԱՆՅԱՆ

ԾԱՂԻԿԸ

(Տիշտոգոյություն հայրիկիս՝ Տովհաննես Թումանյանի կյանքից)

Մի հանգիստ ու խաղաղ լուսնյակ գիշեր էր: Տայրս և ես նստել էինք մեր կտրի վրա և զրույց էինք անում:

Գյուղացիները վաղուց նրագները հանգցրել, խոր քուն էին մտել: Միայն քեռի Եղիկն էր, որ չէր քնել, իր շուրջն էր հավաքել սարից նոր իջած հոտը և սրինգ էր նվագում:

Չորից լավում էր Դև-բեդի խուլ ձենը, խառնվելով սրինգի քաղցր մեղեդիներին: Եվ ես մեղմ, քաղցր ու անուշ նվագի տակ նիրհում էր մեր չքնաղ Լոռին:

– Ի՛նչ քաղցր ու սիրուն է մեր Լոռին, հայրիկ: Ես ոչ մի տեղ ինձ էսպես մտերիմ, էսպես թեթև չեմ զգում, ինչպես էստեղ:

– Էդպես է, սիրուն ջան, հարազատը միշտ քաղցր է և սիրուն, առողջ ու պայծառ, ինչպես մեր Լոռվա սարերն ու ձորերը... Դուք էլ դեռ լավ չեք հասկանում ու զգում են հարազատ սերը, որով էսպես կապվել ու ձուլվել եմ ձեզ հետ:

Լուսինը քարձրացել և լուսավորում էր մեր տան առաջի արտերը: Քեռի Եղիկը շարունակում էր նվագը, հետզհետե ավելի տխուր և ավելի մելամաղձոտ: Մի ինչ-որ խաղաղ անդորրություն էր իջել մեր հոգու վրա: Տայրս իր գրկի մեջ առավ ինձ և սկսեց սպիտակ ծաղկի պատմությունը:

– Ամեն անգամ ձեզ գրկելիս, հիշում եմ իմ մանկությունից մի փոքրիկ դեպք, սպիտակ ծաղիկը, և իսկույն ականջիս է հնչում մորս նիչը: Մի ներմակ ծաղիկ էր են ծաղիկը, որ բուսել էր ժայռի կրծքին և կանաչ խոտերի միջից դեպի ցած թեքված, մեղմիկ բռնում, նազ էր

անում զեփյուռի հետ:

Ես խելագարի նման սիրեցի էն ծաղիկը, քայց նա շատ քարձր էր, ժայռի կրծքին: Ես միշտ գնում էի ժայռի տակ կանգնում, նայում, հիանում ու զմայլվում: Տոգիս լցվում էր նրա քաղցր բուրմունքով, քնքշանում, վերանում, ցրվում էի...

Էդ ժամերին հանկարծ լավում էր մորս ձենը, ես ցնցվում, սթափվում էի և փախչում էնտեղից: Նա գիտեր, որ ես սիրում էի էն ծաղիկը և միշտ հետևում էր ինձ, որ իրենից գաղտնի չբարձրանամ էնպիսի վտանգավոր տեղեր:

Բայց անգուսպ էր իմ մանկական հետաքրքրությունը... Մի օր էլ մորիցս թաքուն փախած՝ դարձյալ ժայռի տակ էի, աչքերս վեր սևեռած, սիրտս մի անբացատրելի կարոտով լիքը...

Էլ չդիմացա:

Մազլցելով, սկսեցի բարձրանալ դեպի վեր ու վեր, դեպի էն ներմակ ծաղիկը:

Եվ էնպէս եռանդով, էնպէս ոգևորված էի բարձրանում: Ինձ թվում էր, թե մի հարթ ու սովորական ճանապարհի վրա էի և չէի նկատում ո՛չ ժայռ, ո՛չ անդունդ, ո՛չ կախ ընկած քարեր: Միայն ծաղիկն էր աչքիս երևում:

Ու բարձրանում էի դեպի վեր ու վեր:

Ահա սպիտակ ծաղիկը, նրա քաղցր բուրմունքը, մոտիկ եմ արդեն...

– Էդ ի՞նչ ես անում,– մի լեղապատառ ճիչ լավեց ներքևից:

Մայրս էր, նա վախից հողի գույն էր ստացել:

– Ցա՛ծ արի, ցա՛ծ, վեր կընկնես,– կանչում էր մայրս դողդոջուն ձենով:

Ես վախեցած, տեղնուտեղը կպա ժայռին:

– Ցա՛ծ արի, ցա՛ծ, վեր կընկնես,– կանչում էր մայրս դողդոջուն ձենով:

Ես զգույշ ու կամաց սկսեցի իջնել:

Ա՛յս, էն ծաղիկը, էն ծաղիկը մնաց:

Անցել են արդեն շատ ու շատ տարիներ, հիմա ես էլ ունեմ շատ ու շատ ծաղիկներ, էն ծաղկից ավելի սիրում ու քնքուշ, էն ծաղկից ավելի բուրավետ ու անուշ, որոնք տաքացնում և զեղեցկացնում են իմ կուրծքը:

Եվ ամեն անգամ ձեզ գրկելիս, երբ առաջս է գալիս էն սպիտակ ծաղիկը, և ականջիս հնչում է մորս հիշը, ուրախանում եմ, որ չթողեց պոկեմ էն ծաղիկը ժայռի կրծքից...

Ասաց հայրս և ավելի սեղմեց ինձ իր կրծքին:

Երանի՛ բոլոր ծաղիկները թողնեն իրենց ժայռի կրծքին...